

*in l. si æstimati, cum l. seq. ff. solut. matrim.* sed ad hoc quòd res dotalis non possit alienari per virum, & soluto matrimonio possessio transferatur in mulierem consuluit *Bar. in alleg. l. 1.* quòd in promissione restituendi dotem opponatur præcarium, & tunc poterit mulier propria auctoritate possessionem ingredi, & res dotalis tunc efficitur inalienabilis: *C. quòd cum eod. l. si servus*, aliàs autem res immobilis dotalis de consensu mulieris potest alienari, idem in re mihi specialiter obligata pro dote, secus in rebus mobilibus: *ut legitur, & not. in auct. ut mobilia ante nuptias, §. ut multo potius, & C. de jure do. l. si prædium, & not. glos. C. de rei uxor. auct. l. unica, §. & causa, quòd dic, ut ibi not. Bal. in alleg. l. 1. C. de servo pig. da. ma.* in dubio tamen revocatur circa hanc materiam, an præsumatur quòd res tradita viro, sit tradita in dotem, aut ut res parafernalis: *dic ut not. ff. de jure do. l. quòd autem*, ibi videtur dici, quòd præsumitur dotalis, si apparet de certa quantitate, vel de re promissa, & hoc verum, si interveniat traditio: *sic intelligitur quòd not. in l. mulier bona, ff. de jure do. & in l. quòd apud ex quo apparet*, quòd cum nomina debitorum non traduntur, sed ceduntur, nunquam intelliguntur in dotem dari: *C. de pactis conven. l. fi. & C. de repu. l. fi. not. Bal. in lib. feud. tit. an maritus succedat uxori, circa fi. ibi not.* quòd res prohibita alienari potest dari in dotem, quia videtur necessaria alienatio, & quia est aliàs communis conjugum favor, & dotis ejus, quinimo etiam reipublicæ: *ut l. 1. ff. solut. matrim. C. communia deleg. auct. res quæ*, si autem non apparet certa quantitas, nec res promissa quicquid ultra traditum reperitur parafernale præsumitur: *ut l. fi. C. de sentent. quæ sine certa quant.* illud autem quòd non traditur, sed uxor in sua possessione tenet, non præsumitur parafernale, nec possidetur per virum, nec ullam administrationem consequitur, nec fructus lucratur: *ff. de donat. l. donat. in concubinam, §. spes*, è contra, autem vir tradendo uxori, non dicitur ei constituere parafernalia: *ff. deleg. 2. l. Titia, §. Gajus*, sed an fructus dotales veniant jure actionis, & videtur quòd sic, quia augent dotem, & quia corpus dotis, scilicet, corpus universale, quòd est quòd intellectuale: *ut l. non est,*

Tom. II.

*C. famil. hærc. per Cy. conjuncta glos. l. quòd dicitur de impensis in rebus dot. fac.* Item, promittendo mulier viro dotem, non intelligitur promississe omnia bona in dotem, imò arbitrio boni viri, sed quòd si tradit omnia, vel aliter fuit dos aliqua constituta, aliqui dicunt quòd omnia sunt dotalia, quia ita præsumuntur cum viro convenisse, quòd tunc habet æquitatem si vir erat dignus tanta dote, aliter non: *tamen glos. in dicta l. fi. de sent. quæ sine certa quant.* dicit, quòd dictum illorum non probatur à lege: & ideo *Bal. ibi dicit*, quòd si in instrumento continetur quòd Berta contraxit matrimonium cum Titio, & dedit ei sua bona, intelligitur in dotem secundum *Nico. de Mata. in dicta l. quòd autem, ff. de jure do.* & sic traditio sine titulo, quæ non est mera, sed translativa dominij præsumitur titulo dotis, sed si simplex, & nuda traditio non præsumitur ex causa dotis, sed tanquam parafernalis, nisi hoc colligeretur ex alijs conjecturis, sed pone, quòd vir accepit uxorem sine commemoratione dotis, petit ab ea quòd sibi faciat dotem constitui; quia non debet eam indotatam habere: *dicit Bal. ubi supra*, quòd mulier potest bene hoc petere à patre suo: *ut not. ff. de auct. & oblig. l. obligandum, §. sed an vir*, sed hoc non videtur verum secundum eum, quia matrimonium bene potest esse sine dote: *ut l. fi. C. de donat. ante nupt.* tamen dicit, quòd vir potest ea expellere, quia non plus debet sustinere onera matrimonij ex quo dotem non habet, & hoc si mulier est dives, quæ potest dotem dare, aliter non expelletur: *facit ad hoc quòd not. in auct. de non alien. 2. nubent. §. fi. in glos. col. 1.* Item nota, quòd si testator relinquit Bertæ decem pro ipsa maritanda, quòd licet tempore testamenti erat nupta, debentur sibi: *ut not. ff. de condit. & demonstr. l. fi. & C. de instit. & substit. l. pen.* secus si esset relictum pro incerta puella maritanda, quia tunc non habent locum in jam nupta. Item nota, quòd si vir expellit uxorem sine causa, tenetur ei assignare dotem, quia cum non sustineat onera matrimonij, non debet habere fructus dotis: *ut l. pat. de doli except. & quia dos est patrimonium proprium mulieris, & ex eo vivere debet: ut l. 3. §. sed & videtur, ff. de minor. hæc not. Bal. in d. l. fi. C. de sent. quæ sine certa quant. pro.*

C